

氏族典第二十八卷

豐姓部彙考

鄭樵通志 以名爲氏 鄭人名

豐氏左傳鄭穆公子豐之後以王父字爲氏望出松陽宋豐稷登進士第元豐登第有豐安常明州人臣謹按穆公之子皆以王父字爲氏公子去疾字子良其後爲良氏良霄良止是也公子喜字子罕其後爲罕氏罕虎罕魑是也公子駢字子駟其後爲駟氏駟帶駟乞是也公子偃字子游其後爲游氏游吉游販是也以至子孔子國子印子然皆然惟公子豐無字其後爲豐施豐卷並以名爲氏

廖用賢尙友錄 豐姓

豐括陽宮音

豐姓部列傳

周 豐點

按左傳襄公二十三年孟氏之御駟豐點好羯也曰從余言必爲孟孫再三云羯從之孟莊子疾豐點謂公鉏荀立羯請讎臧氏孟孫卒公鉏遂立羯

按注羯孟莊子之庶子孝伯也

豐卷

按左傳襄公三十年鄭子皮授子產政豐卷將祭請田焉弗許曰唯君用鮮衆給而已子張怒退而徵役子產奔晉子皮止之而逐豐卷豐卷奔晉子產請其田里三年而復之反其田里及其入焉

豐施

按左傳昭公三年夏四月鄭伯如晉公孫段相甚敬而卑禮無違者晉侯嘉焉授之以策曰子豐有勞於晉國余聞而弗忘賜汝州田以胙乃舊勳伯石再拜稽首受策以出七年子產爲豐施歸州田於韓宣子曰日君以夫公孫段爲能任其事而賜之州田今無祿早世不獲久享君德其子弗敢有不敢以聞於君私致諸子

豐愆

按左傳昭公二十一年五月壬寅華向入樂大心豐愆華慳禦諸橫

漢 豐謹

按萬姓統譜謹御史大夫

南齊 豐勇之

按姓氏急就篇南齊有豐勇之

宋 豐儀

按萬姓統譜儀至道七年以左朝請大夫倅嚴州

豐稷

按宋史豐稷傳稷字相之明州鄞人登第爲穀城令以廉明稱從安燾使高麗海中大風檣折舟幾覆衆惶擾莫知所爲稷獨神色自若燾歎曰豐君未易量也知封丘縣神宗召對擢監察御史徙著作佐郎吏部員外郎提點利州成都路刑獄入爲殿中侍御史遷右司諫改國子司業起居舍人歷太常少卿國子祭酒除刑部侍郎兼侍講元祐八年以集賢院學士知潁州江寧府拜吏部侍郎又出知河南府加龍圖閣待制徽宗立以左諫議大夫召道除御史中丞入對論蔡京姦狀又乞辨宣

仁誣謗之禍曾布將拜相稷約其僚共論之俄轉工部尚書兼侍講改禮部稷盡言守正帝將處之尚書左丞而積忤貴近不得留竟以樞密直學士守越蔡京得政修故怨貶海州團練副使道州別駕安置台州除名徙建州稍復朝請郎卒年七十五建炎中追復學士諡曰清

豐安常

按鄞縣志安常稷子元豐五年黃裳榜進士

豐治

按浙江通志治禮部尚書稷之孫也建炎中高宗駐蹕淮陽金人入境時治監轉般倉死之

豐至

按鄞縣志至稷從孫紹興十二年陳誠之榜進士

豐有俊

按鄞縣志有俊字宅之清敏公四世孫也嘗遊錢塘登青樓見一小娼疑其故人女累目之女亦悟酒罷留宿女羞澀良久曰君識妾否詰之果故人女有俊曰某所以留者以座間不得問也宜各寢

必有以處汝娼遂退有俊與京尹王佐有舊往告佐曰某僅有錢八千從公更貸二百千嫁之佐嘉其義卽取入府厚奩具擇良士嫁焉

豐翔

按鄞縣志翔嘉定七年袁甫榜進士

豐芭

按鄞縣志芭稷五世孫嘉定十六年蔣重珍榜進士

豐莖

按鄞縣志莖紹定二年黃朴榜進士

豐存芳

子禮

按鄞縣志存芳字公茂清敏公元孫也爲太平州倅景炎元年二月元兵至知州孟知縉謀以城降存芳諫不聽嘗之知縉遂引元兵屠其家同死者十八人卒方義竊其八歲孤禮長於民間

豐進

按萬姓統譜進宣徽使

明 豐淳甫

按鄞縣志存芳曾孫淳甫明洪武中以賢良薦仕至監察御史

豐寅初

按鄞縣志寅初字復初號復齋博學篤行隱居句章之墟洪武十七年徵爲國子司業後上書諫觀燈謫德化縣教諭以身迪人建文壬午成祖入金陵遂棄官躬耕卒百五歲配滕氏亦百餘歲子慶

豐晚

按萬姓統譜晚當塗人永樂舉人

豐慶

按浙江通志慶字文慶鄞人第正統四年進士授給事中與林聰葉盛高棅等諫景帝南城及易儲事言甚愷切繫詔獄七年英廟復辟累陞右布政廉聲大著會病足卽乞致仕所著有簡庵集

豐載

按萬姓統譜載江西安福人景泰進士

豐熙

按明外史豐熙傳熙字原學鄞人布政使慶孫也幼有異稟嘗大書壁間曰立志當以聖人爲的遜第一等事於人非夫也年十六喪母水漿不入口數日居倚廬三年弘治十二年舉殿試第二孝宗奇其策賜第一人袍帶寵之授翰林編修進侍講遷右諭德以不附劉瑾出掌南京翰林院事世宗卽位進翰林學士興獻王大禮議起熙數力爭旣而尊稱禮定熙疏諫不得命伏哭左順門遂下獄掠治復杖之闕廷遣戍福建鎮海衛閔十有三年竟卒戍所隆慶初贈官賜卹

豐坊

按明外史豐熙傳熙子坊字存禮舉鄉試第一成進士除禮部主事從熙爭大禮下獄廷杖後爲南京吏部考功主事大計謫通州同知免歸坊博學工文兼通書法而著述持論多不經行事詭怪人皆畏而惡之

豐喬

按棲霞縣志喬嘉靖二十六年任典史

豐建

按鄆縣志建坊孫天啟五年余煌榜進士

豐德輝

按醴陵縣志德輝官驛丞

酆姓部彙考

酆樵通志 以國爲氏

周同姓國

酆氏周文王之子酆侯之後或言第十七子此文王之舊都也故城在今永興酆縣北三十里其後以國爲氏又有酆舒宋朝登科酆伸之嚴州人

廖用賢尙友錄 酆姓

酆京兆宮音

酆姓部列傳

周 酆舒

按左傳宣公十五年潞子嬰兒之夫人晉景公之姊也酆舒爲政而殺之又傷潞子之目晉侯將伐之諸大夫皆曰不可酆舒有三僞才不如待後之人伯宗曰必伐之狄有五罪僞才雖多何補焉不祀一也耆酒二也棄仲章而奪黎氏地三也虐我伯姬四也傷其君目五也怙其僞才而不以茂德滋益罪也後之人或者將敬奉德義以事神人而申固其命若之何待之六月癸卯晉荀林父敗赤狄於曲梁辛亥滅潞酆舒奔衛衛人歸諸晉晉人殺之

宋 酆伸之

按尙友錄伸之淳安人紹興間舉進士

酆康

按萬姓統譜康廬陵人知英州

明 酆洪

按萬姓統譜洪陸川人洪武初任御史

之
一
鄆初

按萬姓統譜初固始人宣德中任九江府教授

鄆海

按萬姓統譜海江西人正統進士

鄆良弼

按東阿縣志良弼嘉靖二十年貢士未任卒

鄆之馨

按湘陰縣志之馨號天薦爲人樸鈍補諸生旋舉於鄉砥礪廉隅杜門拙守遭時變革卽屏跡山中
祝髮爲僧

鄆姓部彙考

鄆樵通志

以名爲氏

古天子名

鄆氏古鄆夷氏之後左傳鄆有鄆蔑晉有鄆戾

廖用賢尙友錄 醜姓

醜魯邑宮音

醜姓部列傳

周

醜蔑 鄭大夫

按春秋臣傳然明鄭大夫醜蔑晉侯嬖程鄭使佐下軍二十四年子羽如晉聘程鄭問焉曰敢問降階何由子羽不能對歸以語然明然明曰是將死矣不然將亡貴而知懼懼而思降乃得其階下人而已又何問焉且夫既登而求降階者知人也不在程鄭其有亡釁乎不然其有感疾將死而憂也明年鄭果卒子產始知然明問政焉對曰視民如子見不仁者誅之如鷹鷂之逐鳥雀也子產喜以語子大叔且曰他日吾見蔑之面而已今吾見其心矣子大叔因問政於子產子產曰政如農功日夜思之思其始而成其終朝夕而行之行無越思如農之有畔其過鮮矣魏舒語賈辛稱叔向之言有曰子少不颺子若無言吾幾失子矣鄭人遊於鄉校以論執政然明謂子產曰毀鄉校如何子產曰何爲夫人朝夕退而游焉以議執政之善否其所善者我則行之其所惡者吾則改之是吾師也

若之何毀之我聞忠善以損怨不聞作威以防怨豈不遽止然猶防川大決所犯傷人必多吾不克救也不如小決使道不如吾聞而藥之也然明曰蔑也今而後知吾子之信可事也小人實不才若果行此其鄭國實賴之豈唯二三臣仲尼聞是語也曰以是觀之人謂子產不仁吾不信也

驪蔑

齊大夫

按左傳襄公二十有五年夏五月崔氏殺驪蔑於平陰

注

驪蔑平陰大夫

按此乃齊之驪蔑與鄭之驪蔑爲兩人鄭之驪蔑尙

見襄公二十六年傳

驪戾

按左傳昭公二十有五年九月伐季氏叔孫氏之司馬驪戾言於其衆曰我家臣也不敢知國凡有季氏與無於我孰利皆曰無季氏是無叔孫氏也驪戾曰然則救諸帥徒以往陷西北隅以入

晉

驪讓

按姓氏急就篇後燕有驪讓

明

驪象閏

按萬姓統譜象閩郡縣人弘治中任山西霍州同知

按續文獻通考作鄆陽府人

种姓部彙考

鄭樵通志 以次爲氏

种氏本仲氏或言仲山甫之後因避難改爲种宋种放自處士召拜司諫長安人望出河南

廖用賢尚友錄 种姓

种河陽宮音

种姓部列傳

後漢 种嵩

按後漢書种嵩傳嵩字景伯河南洛陽人仲山甫之後也父爲定陶令有財三十萬父卒嵩悉以賑卹宗族及邑里之貧者始爲縣門下史河南尹田歆召署主簿遂舉孝廉辟太尉府舉高第順帝末爲侍御史擢嵩監太子於承光宮中常侍高梵從中單駕出迎太子嵩手劍當車曰太子國之儲副人命所係今常侍來無詔信何以知非姦邪今日有死而已梵辭屈不敢對馳命奏之詔報太子乃

得去帝嘉其持重稱善者良久出爲益州刺史時永昌太守冶鑄黃金爲文蛇以獻梁冀冀糾發逮捕冀由是怒嵩會服直聚黨稱天王嵩討捕不克冀因此逮嵩李固疏救乃赦罪免官後梁州羌動以嵩爲梁州刺史遷廣漢太守使匈奴中郎將遼東烏桓反叛復轉遼東太守坐事免歸徵拜議郎遷南郡太守入爲尚書會匈奴寇并涼二州桓帝擢嵩爲度遼將軍入爲大司農延熹四年遷司徒在位三年年六十一薨

种岱

按後漢書种嵩傳嵩子岱字公祖好學養志舉孝廉茂才辟公府皆不就公車特徵病卒初岱與李固子燮同徵議郎燮聞岱卒痛惜甚乃上書求加禮岱曰臣聞仁義興則道德昌道德昌則政化明而萬姓寧伏見故處士种岱淳和達理耽悅詩書富貴不能回其慮萬物不能擾其心稟命不永奄然殂殞若不槃桓難進等輩皆已公卿矣昔先賢旣沒有加贈之典周禮盛德有銘誄之文而岱生無印綬之榮卒無官諡之號雖未建忠效用而爲聖恩所拔遐邇具瞻宜有異賞朝廷竟不能從

种拂

按後漢書种暲傳暲子拂字穎伯初爲司隸從事拜宛令時南陽郡吏好因休沐遊戲市里爲百姓所患拂出逢之必下車公謁以愧其心自是莫敢出者政有能名累遷光祿大夫初平元年代荀爽爲司空明年以地震策免復爲太常李傕郭汜之亂長安城潰百官多避兵衝拂揮劍而出曰爲國大臣不能止戈除暴致使凶賊兵刃向宮去欲何之遂戰而死

种劭

按後漢書种暲傳暲子拂拂子劭字申甫少知名中平末爲諫議大夫大將軍何進將誅宦官召并州牧董卓至澠池而進更狐疑遣劭宣詔止之卓不受遂前至河南劭迎勞之因譬令還軍卓疑有變使其軍士以兵脅劭劭怒稱詔大呼叱之軍士皆披遂前質責卓卓辭屈乃還軍夕陽亭及進敗獻帝卽位拜劭爲侍中卓旣擅權而惡劭強力遂左轉議郎出爲益涼二州刺史會父拂戰死竟不之職服終徵爲少府大鴻臚皆辭不受曰昔我先父以身徇國吾爲臣子不能除殘復怨何面目朝覲明主哉遂與馬騰韓遂及左中郎劉範諫議大夫馬宇共攻李傕郭汜以報其讎與汜戰於長平觀下軍敗劭等皆死騰遂還涼州

古今圖書集成
種輯

按後漢書獻帝本紀建安五年車騎將軍董承偏將軍王服越騎校尉種輯受密詔誅曹操事洩壬午曹操殺董承等夷三族

唐 種僮

按獨異志僮爲畿令有異政猛虎皆出境

宋 種詡

按宋史種放傳父詡吏部令史調補長安主簿

種放

按宋史種放傳放字名逸河南洛陽人也沈默好學七歲能屬文不與羣兒戲父嘗令舉進士放辭以業未成不可妄動每往來嵩華間慨然有山林意未幾父卒與母俱隱終南豹林谷之東明峯性嗜酒嘗種秫自釀因號雲溪醉侯多爲歌詩自稱退士嘗作傳以述其志淳化三年詔使召之放稱疾不起太宗嘉其節不奪其志咸平元年母卒水漿不入口三日廬於墓側詔本府發遣赴闕放辭